

200

7. gr.

1. okt. Stjórn sjóðsins skal hafa bók, auk gjafabókarinnar, sem í er skráð hverjir séu í stjórn sjóðsins á hverjum tíma. Í bók þessa skal skrá ársreikninga sjóðsins, og skulu þeir undirritaðir af öllum stjórnarmönnum.

8. gr.

Tilgangi sjóðsins má aldrei breyta. Sjóðurinn skal óvæfengjanlega ávallt vera eign byggðarlagsins í Ytri-Njarðvík.

9. gr.

Þegar tilgangi sjóðsins samkvæmt 2. gr. er náð, skal vera heimilt að sjóðurinn starfi áfram við kirkjuna í Ytri-Njarðvík. Starfsemi sjóðsins skal þá miða að því að fegra kirkjuna og prýða utan sem innan.

Leita skal staðfestingar forseta Íslands á skipulagsskrá þessari.

Ytri-Njarðvík, 4. nóvember 1950.

Karvel Ögmundsson. Valgerður Pálsdóttir. Vésteinn Bjarnason.

201

REGLUGERÐ

8. okt.

um öryggisráðstafanir gegn slysaþættu við vinnu í kötlum, kerum og geymum.

1. gr.

Þegar unnið er í kötlum, kerum eða geymum, þar sem vinnan getur leitt af sér eittraðar gastegundir, skal sérstakrar varúðar gætt til þess að forðast gaseitrun verkamanna.

Sem hættulega vinnu má nefna:

Logsuðu með rafmagni eða gasi, sem orsakað getur kolsýring og aðrar hættulegar gastegundir.

Ræstingu og *þvott* með sýrum, feitileysandi vökvum og öðrum svipuðum efnum.

Málningarvinnu með lakki, asfalti og öðrum efnum, sem leyst eru upp með vökvum, sem gefa frá sér hættulegan eim.

Vinnu í geymsluhylkjum og tækjum, sem notuð eru til að geyma í og vinna efni, sem gefa frá sér eittraðar lofttegundir og eim.

Ekki má nota triklorethylen, tetraklorkolefni, bensol eða aðra vökva, sem gefa frá sér álíka eittraðan eim, til þvotta í geymum, kerum eða hylkjum.

2. gr.

Áður en byrjað er á vinnu í geymi skal loftræsta hann rækilega með þrýsti-lofti eða loftblásara. Slíkrar loftræstingar er þó ekki þörf, ef op bæði efst og neðst á geyminum hafa staðið opin í langan tíma, svo dragsúgur hafi verið í gegnum hann.

Nauðsynlegt er einnig að loftræsta opin ker, því þungar lofttegundir geta um lengri tíma legið við botn þeirra.

Aldrei má nota hreint súrefni til loftendurnýjunar, þegar unnið er við suðu í geymi, því súrefnið getur orsakað íkvikun í fötum verkamanna.

3. gr.

Meðan unnið er í geymi, sem um getur í 1. gr., skal loft í honum endurnýjað með því að leggja niður í hann þrýstiloftsleiðslu, eða koma fyrir loftblásara við stórt op neðarlega á geyminum. Verði loftendurnýjunartækjum ekki komið við, skulu verkamenn bera hentugar gasgrímur eða öndunartæki, sem veiti þeim nægilegt ferskt loft eða súrefni. Þegar svo ber undir má þó vinna hvers verkamanns ekki standa lengur en eina klukkustund í einu.

Meðan unnið er í geymi, skal að staðaldri vera vörður við inngönguopið í geyminn og skal hann hafa vakandi auga með liðan þeirra, sem í geyminum vinna.

4. gr.

Ekki má verkamaður hefja ræstingu, viðgerð eða annars konar vinnu í olíugeymi, sem í hefur verið brennanlegur vökvi, fyrr en búið er að eima út geyminn og öryggiseftirlitið hefur gefið út vottorð um, að í honum sé ekki eldfimur eimur.

Ef geymir er í skipi, og í honum hefur verið flutt eldfim olía eða vökvi með blossomarki við 21° C. eða þar fyrir neðan, skal eima út alla hluta skipsins þar sem gas getur safnað fyrir, og vottorð um gaseyðinguna gefið út fyrir allt skipið.

Ákvæði fyrstu málsgreinar þessarar greinar á ekki við um eftirlits- eða skoðunarstörf verkstjóra, eða rannsóknarstörf eftirlitsmanns öryggiseftirlitsins, sem framkvæma þarf til þess að hægt sé að gefa út vottorð um, að úteiming hafi farið fram.

Við rannsókn og eftirlit skal nota hentuga gasgrímu.

5. gr.

Þar sem vinna er þess eðlis, að hætta geti verið á íkviknun, vegna opins elds, neista eða glóheitra hluta, enda þótt slík vinna sé ekki framkvæmd í geymi, má ekki hefja vinnuna fyrr en úteimingarvottorð hefur verið gefið út.

Ef trygging er fyrir því, að allir geymar um borð í skipi séu lokaðir, má þó framkvæma vinnu þá, sem um getur í fyrstu málsgrein þessarar greinar, ef hann við umferð með opinn eld liggur ekki fyrir.

6. gr.

Meðan vinna stendur yfir í geymi skips skulu öll op og manns mugur hafðar opnar og á fulltrygган hátt séð fyrir nægilegri loftendurnýjun í geyminum.

Á aðgengilegum stað nálægt opi geymis, skal vera nægilegur fjöldi af öryggislinum með beltum, sem auðveldlega verði gripið til, ef hjarga þarf manni út úr geymi. Á sama stað skal einnig vera eldslökkvitæki af viðurkenndri gerð, svo og gasgrímur.

7. gr.

Verði olíu vart í geymi, vegna leka frá leiðslum eða af öðrum ástæðum, meðan vinna stendur yfir, svo ætla megi að eldfimur oliueimur myndist, skal þegar stöðva vinnuna og má ekki hefja vinnu á ný, fyrr en nýtt úteimingarvottorð hefur verið gefið út, að undangenginni rannsókn samkv. 4. gr.

8. gr.

Rannsókn sú, sem um getur í 4. gr., skal framkvæmd af eftirlitsmönnum öryggiseftirlitsins eða öðrum, sem til þess hafa næga þekkingu og öryggismála- stjóri kann að fela starfið.

Við rannsóknina má einungis nota tæki af gerð, sem öryggiseftirlitið viðurkennir.

201

8. okt.

Úteimingarvottorð skal fest upp á áberandi stað á vinnustaðnum. Sé um eimun um borð í skipi að ræða, skal vottorðið fest upp við landgöngubrú. Vottorðið skal vera uppi meðan á vinnu stendur.

9. gr.

10. gr.

Brot gegn reglugerð þessari varða sektum frá 50—5000 krónum, nema þyngri hegning liggi við samkvæmt lögum. Sektirnar renna í ríkissjóð. Með mál út af brotum skal farið sem almenn lögreglumál.

Reglugerð þessi er hér með sett samkvæmt lögum nr. 23 1. febrúar 1952, um öryggisráðstafanir á vinnustöðum, til þess að öðlast þegar gildi, og birtist til eftirbreytni öllum þeim, sem hlut eiga að máli.

Samgöngumálaráðuneytið, 8. október 1952.

Björn Ólafsson.

Páll Pálmason.

202

8. okt.

REGLUGERÐ

um öryggis- og heilbrigðisráðstafanir við sprautumálun.

1. gr.

Ákvæði reglugerðar þessarar ná til vinnustöðva, þar sem málun er framkvæmd á þann hátt, að málningarúða er blásið með þjöppuðu lofti á flöt þann, sem mál-aður er, og notuð eru heilsuspillandi eða eldfim efni með blossamark undir 25° C, til þess að þynna með málninguna, leysa upp harðnaða málningu, eða til að hreinsa með fleti undir málningu.

Til slíkra efna heyrta eftirtalin efni, sem eru notuð til þynningar eða upp-leysingar: Metanol, etanol (etyl alkohol), propylalkohol, butylalkohol, amylalkohol. Aseton, metyl, etyl, ketone og cyclohexanon. Rentan, n- og iso-hexan, heptan, ligroin, petroleum eter, benzin, minerölsk terpentína, steinolía, gasolía og aðrar eldfimar steinolíur. Benzol, toluol, xylol, solventnafta, steinkolanafta. Eter, dioxan, metylasetat, propylasetat, butylasetat, amylasetat, cellosolveasetat, etyllaktat. Terpentína, dipenten, cellosolve, metyl-cellosolve, butyl-cellosolve og di-aseton-alkohol. Tetraklórkölefni, dikloretylen, trikloretylen (kloroform), metylessklorid.

2. gr.

Sprautumálun má einungis framkvæma í sérstaklega til þess gerðum sölum, klefum eða skápum, sem uppfylla kröfur þær, sem gerðar eru í reglugerð þessari.

3. gr.

Að jafnaði má aðeins sprautumála í sérstæðum einnar hæðar húsum. Ef salur eða herbergi til sprautumálunar er í húsi, sem er meira en ein hæð, skal þeim valin staður á efstu hæð. Hús eða hluti húss, sem ætlað er til sprautumálunar, skal vera úr eldtraustu, eða að minnsta kosti logatryggu efni, t. d. steinsteypu eða úr múrhúðuðu timbri.

Í stað múrhúðunar má klæða timburveggi til eldvarnar öðru eldvarnarefni, svo sem asbesti og jární, eða plötum úr asbestsementi.